



CONCLVSIONES

DEDVCTÆ EX QVÆSTIONE MEDICA
AN NOXIVM FEBRICITANTIBVS VINVM.

In Aulâ Academicâ publicè propugnanda.

AUSPICIIS

8.

PERILLVSTRIS ET REVERENDISSIMI DOMINI
D. PHILIPPI DE TULLE

Canonici Ecclesiæ Metropolitanæ,

Vniversitatis Avenionensis Primicerij,

Rectoris, Iudicis, & Privilegiorum Conservatoris.

PRO BACCALAUREATU.

~~~~~  
I.  
**V**T ægri non quolibet medicamento curantur, sic non quovis alimento nutriuntur, quod uni prodest affectui, nocet alteri aliqui levibus vehementibus alii, non nulli mediocribus indigent pharmacis, hic calidam, ille frigidam expostulat escam, alios juvat, alios lædit valentis materiæ cibus, tot effectuum radix, eadem ac morborum, varia nempe succorum indoles, qui semel vitiati similibus exasperantur, emendantur contrariis: hinc febricitantibus non omnia conveniunt, quæ motos sedant humores, quæ ipsorum motum comprimunt, ea sunt illis salutaria, quæ foveant insolentem sanguinis effervescentiam, quæ cæteros augent, incendii febrilis apparatus, ea sunt noxia penitus & abdicanda.

*non solum  
dum viem  
et medicamen.*

II.  
**V**EHEMENS & inordinatus sanguinis motus febris est, pereunt hoc motu caloris blanditiæ, perit mollities succorum, crescit in corde, ut ita dicam, peregrinus ignis, mali semina latè dispersurus, hinc insolita in liquoribus effervescentiæ, fervoris impetu quoquo versum dissilit quidquid tenuius, quidquid acius est in humoribus; id si cutim feriat rigor inde concitatur, si thoracem tussis, si cerebrum capitis dolor, his etiam accedunt ob incandescentiam sanguinis pulsus celer, spiritus difficilis, linguae siccitas, sitis intensa, pertinax vigilia &c. febrilis hæc tempestas continua est, aut interpolata, vel eodem tenore furit, vel silet aliquando, modo tertiâ, modo quartâ luce reversurâ: vitiosus sanguis utriusque causa est, is à chylo vitatur, chylus autem à cibo & potu si enim quod assumitur æstuosum nimis sit ac sulphureum, consimilis erit chylus, consimilis sanguis cui ferè totus permiscetur: hinc febricitantes offendit quidquid ebullientibus succis novum addit motus incitamentum, ut vinum quocumque modo paratum.

*febris  
quid?*

III.  
**I**GNEUS est enim illi vigor ab origine, actuosissima materia ex qua conflatur & calida quæ gaudet tellus, in ipso multum est salis & sulphuris volatilis, & consequenter humorum massæ si permiscetur, ipsam attoller, exagitat, elevabit, sicque febriles accendet, aut alet igniculos: si fervidis ingeratur visceribus, fomes erit peregrini caloris, si à febrili æstu velut ab igne focario, retorreatur, ut ita dicam, ventriculus & intestina, in ipsis flammam accendet, excedentisque illius caloris erit irritamentum sicque semper causam febris exasperabit.

*febris  
notus  
vinum.*

IV.  
**D**UM igitur febre aduruntur ægri is pessimum est vinum: succum enim suggerit nimis validum, nimis æstuantem, in illo molecular, sanguinem nimium & insolentem commoventes reperiuntur de quibus supra, in illo tartareæ quædam particule, quæ licet sale fixo turgidæ suo etiam sale volatili non destituuntur (de quibus præ paginarum angustis nihil dicere possumus) continentur, quæ quantas in febricitantis sanguine strages edere possint consideranti patebit abundè; & consequenter quandoquidem in omni febre compescendus est humorum & sanguinis motus, qui ex præmissis, acuitur & exaccipitur à vino, jure concludere posse putamus.

*Ergo noxium febricitantibus vinum*



~~~~~  
Has Conclusiones, Deo dante, & auspice Dei-Para. Preside Illust. ac Nob. D.D. IOANNE BAPTISTA GASTALDI Regis Consiliario, & Medico Ordinario, almæque Facultatis Medicina Professore Primario & Botanico. Tuebitur ~~Nob.~~ D. PETRUS MALHERBE Pacaudierensis, Diæcesis Claromontaneæ Artium Magister & jam dudum Medicina studiosus. In Aula Universitatis. Die 20th Aprilis 1714. Hora septima matutina.